

Առավոտ

«Կարելոր էր պահպանել Կոմիտասին բնորոշ մաքրությունը եւ հանճարեղ պարզությունը»

 [Ամենակարևոր լուրերը Հայաստանից՝ Telegram-ում](#)

 Օգոստոս 14, 2020 13:00  110

[Հավանել 11](#) [Կիսվել](#)

Ռուբեն Կոստեմյանը՝ իր յուրահատուկ նախագծերի եւ ծրագրերի մասին:

Կանադահայ ջութակահար Ռուբեն Կոստեմյանը «Առավոտի» հետ զրույցում տեղեկացրեց, որ Բեթհովենյան տարվա շրջանակում 2 ամիս առաջ ձայնագրել է «Կրեյցերյան սոնատը»: «Այս սոնատը շատ տարբերվում է մյուսներից, նախ նրանով, որ մասշտաբային է եւ դուրս է գալիս կամերային ժանրի սահմաններից: Ինքը՝ Բեթհովենն այն անվանել է սոնատ՝ կոնցերտի ոճով: Մյուս սոնատների համեմատությամբ՝ այստեղ ջութակի եւ դաշնամուրի պարտիաները համահավասար են ու կարծես մրցում են միմյանց հետ: Եվ իրոք, երբ Մարգարիտա Գրիգորյանի հետ նվագում էինք, այդ զգացողությունը չէր լքում մեզ: «Կրեյցերյան սոնատը» անձամբ ինձ շատ ոգեշնչեց, եւ մենք սկսեցինք աշխատել նաեւ Բեթհովենի մյուս 9 սոնատների վրա: Այս տարի որոշել ենք հանդես գալ համերգներով, որտեղ կատարելու ենք բոլոր 10 սոնատները: Այնուհետ պլանավորում ենք թողարկել ձայնասկավառակ եւ այն նվիրել Բեթհովենի ծննդյան 250-ամյակին», - հայտնեց Ռուբեն Կոստեմյանը:







Նրա խոսքերով, ստեղծագործություններ կան, որոնք իրեն հատկապես դուր են գալիս, բայց գրված են ուրիշ գործիքների համար, բայց ինքը տարվել էր այն մտքով, որ դրանք պետք է նվագել ջութակով: «Այդպես սկսեցի փոխադրել տարբեր ստեղծագործություններ ջութակի եւ դաշնամուրի համար: Ինձ համար այդ գործում առանձնահատուկ տեղ զբաղեցրեց Կոմիտասի ստեղծագործությունների փոխադրումը: Շատ կարելոր էր պահպանել Կոմիտասին բնորոշ մաքրությունը եւ հանճարեղ պարզությունը, որը բխում է մեր ազգային ակունքներից», -ասում է երաժիշտը, որի փոխադրությունների ժողովածուն տպագրվել է Սանկտ Պետերբուրգում:

Մեր հարցին՝ ինչպե՞ս կարելի է հանրահռչակել Կոմիտասին եւ ինքն ինչպես է դա իրականացնում, երաժիշտը պատասխանեց. «Կարծում եմ, որ Կոմիտասը միշտ իր առանձնահատուկ տեղը կգրավի համաշխարհային երաժշտության մեջ: Իմ երազանքներից մեկն է՝ Կոմիտասի իմ փոխադրությունները

կատարել եւ ձայնագրել միջնադարյան հայ եկեղեցիներում»:



Կարդացեք նաև

- **Ամօթ:** Մահացու մեղքի համագոր է Կոմիտասին վերագրելու բան մը, որ բնաւ չէ ըրած. «Հայրենիք»
- **Սուպեր Սարո.** «Ինչ որ ասել եմ՝ ճիշտ եմ ասել: Միակ բանը չի եղել, որ Կոմիտասը PR-ի համար էդ չի արել»
- **Եթերում սխալների մի ամբողջ փունջ է հնչել:** Կոմիտասին դիպչել սխալ մոտեցմամբ՝ նշանակում է հայ ինքնության հանդեպ ոտնձգություն գործել. Լիլիթ Մարտիրոսյան. «168 ժամ»

Ռուբեն Կոսեմյանից նաև հետաքրքրվեցինք, թե ինչ ծրագրեր ունի երեւանի հետ կապված: «Երեւանում գտնվելով՝ ելույթներ եմ ունեցել բազմաթիվ բեմերում՝ տարբեր ծրագրերով: Այս ընթացքում հասցրել եմ մեծ ծրագիր ձայնագրել: Պայմանագրեր կան աշխարհի տարբեր լեյբլների հետ ձայնասկավառակներ թողարկելու նպատակով: Այդ թվում պլանավորում եմ ձայնագրել Է. Միրզոյանի եւ Է. Բաղդասարյանի ստեղծագործությունները՝ ամերիկյան լեյբլի պատվերով: Մեծ ցանկություն ունեմ նաև օգնել հայ պատանի ջութակահարներին իրենց դժվարին ուղու վրա»:

Ռուբեն Կոսեմյանը Կանադայում հաստատվել է 2010-ից, համերգներով հանդես է եկել աշխարհի լավագույն դահլիճներում: «Առավոտին» տված հարցազրույցներից մեկում նա ասել էր, որ երաժշտության միջոցով իրեն աշխարհաքաղաքացի է զգում, քանի որ երաժշտությունը համամարդկային շփման միջոց է:

Գոհար ՀԱԿՈՒՅԱՆ

«Առավոտ» օրաթերթ

13.08.2020

🔗 Ամենակարևոր լուրերը Հայաստանից՝ Telegram-ում

🕒 Օգոստոս 14, 2020 13:00

Զավանել 11

Կիսվել

Share

Tweet

ԲԱԺԻՆՆԵՐ՝

«Առավոտ» օրաթերթ , Մշակույթ

ԽՈՐԱԳՐԵՐ՝

Բեթովեն , Կոմիտաս , Մարգարիտա Գրիգորյան

27,901 այցելություն, 2023-05-28-ին
ըստ Google Analytics-ի:

«Բիզնես» խորագրում հրապարակված նյութերը գովազդային բնույթի են:

© 1998 - 2023 Առավոտ – Լուրեր Հայաստանից



Website is made by Peyotto Technologies Lab.

Հրապարակման կանոններ Գովազդի պայմաններ Էթիկայի վարքականոն Հասցե եւ հեռախոսներ Աշխատակազմ